

Company Name : Pharmaniaga Berhad
Date : 17 May 2017
Source : Berita Harian

Untung sebelum cukai Pharmaniaga RM27.78 juta

Keuntungan sebelum cukai Pharmaniaga Bhd meningkat kepada RM27.78 juta pada suku pertama berakhir 31 Mac 2017 daripada RM26.54 juta pada tempoh sama 2016.

Perolehan melonjak kepada RM618.29 juta daripada RM559.20 juta pada tempoh sama.

Dalam kenyataan kepada Bursa Malaysia semalam, Pharmaniaga berkata, prestasi memberangsangkan itu didorong peminatan tinggi dari hospital kerajaan di bawah perniagaan konsesi, selain pertumbuhan dua angka yang direkodkan perniagaan sektor swasta, di samping operasi di Indonesia.

Kekal momentum

Menurut Pharmaniaga, bagi suku yang dini-lai itu, bahagian Indonesia mencatat keuntungan sebelum cukai RM900,000, pemulih-an daripada kerugian sebelum cukai RM1 juta pada tempoh sama tahun lalu.

Dalam kenyataan berasingan, Pengurus Pharmaniaga, Tan Sri Lordin Wok Kamaruddin berkata, dalam melangkah maju, syarikat itu yakin dapat mengekalkan momentum + pertumbuhan, dengan ia berusaha untuk memanfaatkan peluang besar dalam pasaran domestik dan antarabangsa.

“Operasi kami di Indonesia, khususnya, masih menjadi bidang pertumbuhan utama,” katanya, dengan menambah Pharmaniaga turut mencatat kemajuan seterusnya di Kesatuan Eropah untuk memperluaskan kedudukan globalnya. **BERNAMA**



Syarikat yakin kekal momentum pertumbuhan dengan manfaatkan peluang besar dalam pasaran domestik dan antarabangsa”

Lordin Wok Kamaruddin,
Pengerusi Pharmaniaga